

欽定周官義疏卷第十七

春官宗伯第三之一

惟王建國。辨方正位。體國經野。設官分職。以爲民極。乃立春官宗伯。使帥其屬而掌邦禮。以佐王和邦國。

正義

賈氏公彥曰。鄭目錄云。象春所立之官。宗尊也。伯

長也。春出生萬物。天子立宗伯。使掌邦禮。禮以事神爲上。亦所以使天下報本反始也。鄭氏康成曰。禮謂吉

凶賓軍嘉五禮其別三十有六。賈疏據下文而知。

項氏安世

曰治教之始在於禮象天地之化始於春。毛氏應龍

曰四時之和爲春禮之用貴和故掌禮曰春官。項氏

安世曰民生有欲無分則爭爭則乖先王制禮爲之節

文吉以事鬼神元曰以哀其憂賓嘉以親之軍禮以同

之粲然有文以相接則爭乖之患無自而作故曰和

王氏應電曰天下事必有序而後和禮先而樂後故宗

伯兼掌禮樂

案舜命伯夷典三禮。名曰秩宗。周人因之。立春官宗伯。蓋以宇宙之中。莫尊於天神地祇人鬼。秩宗者。敘次天神地祇人鬼之禮事也。宗伯者。治尊禮之長官也。若如俗說。以宗廟之宗爲目其人。則對先王先公。義不得以稱伯矣。自唐以前。注疏箋傳。皆訓宗爲尊。至宋王昭禹始謂有族則有祀。有祀則有宗。蔡氏沈以宗廟爲義。後儒多遵之。謂凡祭祀之禮。皆自祖宗推而及之。不知天神地祇之祭。本以宗名。舜典曰。禋于六宗。孔安國傳。宗

尊也。所尊祭者有六。謂四時也。寒暑也。日也。月也。星也。水旱也。月令天子乃祈來年于天宗。賈逵曰。天宗三日。日月星。地宗三。河海岱。天神地祇皆稱宗。乃秩宗之義所由起也。

通論

鄭氏衆曰。宗伯主禮之官。故堯典。舜命伯夷作秩

宗。國語曰。使名姓之後。能知四時之生犧牲之物。玉帛

之類。采服之宜。彝器之量。次主之度。

賈疏。次。廟主之尊。卑先後遠近之度。

屏攝之位。

韋氏昭曰。屏。屏風也。攝。如翬。翬皆所以尊卑。爲祭祀之位。鄭氏釋檀弓。翬以布衣木。如

攝壇場之所。上下之神元氏姓之所出。而率舊典者。

之宗。春秋傳。夏父弗忌爲宗人。賈疏文。一又曰使宗人

釁夏獻其禮。賈疏哀二十四年左傳。特牲饋食禮。宗人升自西階。

視壺濯及豆籩。然則唐虞三代皆以宗官典國之禮與

其祭祀。漢之大常是也。王氏昭禹曰。禮無不貫。治非

禮不定。教非禮不立。政非禮不行。刑非禮則淫。事非禮

則亂。鄧氏元錫曰。春於人爲仁。吉禮所以仁鬼神。凶

禮所以仁死喪。賓禮所以仁諸侯。軍禮仁邦國而同之

也。嘉禮仁萬民而親之也。記曰。宗伯之官以成仁。此之謂也。

禮官之屬。大宗伯卿一人。小宗伯中大夫二人。肆師下大夫四人。士八人。中士十有六人。旅下士三十有二人。府六人。史十有二人。胥十有二人。徒百有二十人。

正義 鄭氏康成曰。肆。猶陳也。肆師佐宗伯陳列祭祀之

位及牲器案盛。

鬱人。下士二人。府二人。史一人。徒八人。鬱於物反

正義鄭氏康成曰。鬱鬱金。香草。宜以和鬯。賈疏。鬯人所掌。是秬米爲

酒不和鬱者。賓祭當灌鬱。鬱不香。亦長黑。鬱人築鬱金和之。謂之鬱鬯。

通論賈氏公彥曰。祭祀宗廟先灌。灌用鬱鬯。故首鬱人。

楊氏時曰。祭以精意爲主。灌用鬱鬯。貴氣臭也。故獻

之屬莫重於灌。王氏詳說曰。有鬱鬯。有秬鬯。秬鬯用

之於天地社稷等祀。表記親耕粢盛秬鬯以事上帝。是

祭天雖無裸。亦用秬鬯。鬯人社壇用大罍。崇門用瓢齋。

是社祭等事亦用秬鬯。但鬱鬯求諸陰。則專用之於宗

廟耳。

鬯人下士二人。府一人。史一人。徒八人。
鬯敕亮反

正義鄭氏康成曰。鬯釀秬黍為酒。芬香條暢於上下也。

賈疏。此雖無鬱。直用鬯。尸亦以灌地。其汁下入於地。其氣上升。故云條暢於上下也。秬黑黍。一稊

二米。賈疏。爾雅。秬黑黍。秬一稊二米者。亦是一米之秬。直以秬為名。秬一稊二米者。亦是黑黍。稊皮也。

賈氏公彥曰。二米之秬貴。故鬯酒用二米者。
案秬與秠對文則別。

散文則秠亦名秬。故鄭直言秬也。

雞人下士一人。史一人。徒四人。



賈氏公彥曰。雞屬木。在春。其職共雞牲。又主呼旦。

故列職於此。



凡禮事。舉之必以時。其間動作止息。又告有時。雞知

時。故掌以禮官之屬。而凡告時。嘑旦之事。皆職焉。其職事首祭祀。故與鬱人鬯人相次。

司尊彝下士二人。府四人。史二人。胥二人。徒二十人。

正義鄭氏康成曰彝亦尊也。鬱鬯曰彝。賈疏彝盛鬱鬯。

正義鄭氏康成曰彝法也。言為尊之法。賈疏祭宗廟在室先陳彝後乃

向外陳齊酒之尊。以彝為法故名彝。

司几筵下士二人。府二人。史一人。徒八人。

正義鄭氏康成曰筵亦席也。鋪陳曰筵。藉之曰席。單言

之則筵席通。賈疏設席之法先設者皆言筵後加者為席故其職云設莞筵紛純加緇席畫純一

席在地或亦云筵儀禮少牢司宮筵於奧是也筵席止是一物惟據鋪之先後為名故言筵席通

王

氏詳說曰行葦詩肆筵設席授几有緝御蓋几以優尊

者。肆師所謂大賓客涖筵几是也。曰几筵者。以尊卑爲序。曰筵几者。以先後爲序。薛氏衡曰。鬱鬯實尊彝而獻之。涖几筵而陳之。故三職相次。

天府。上士一人。中士二人。府四人。史二人。胥二人。徒二十人。

正義 鄭氏康成曰。府。物所藏。言天者。尊此所藏。若天物

然。鄭氏鍔曰。寶鎮之重。先祖受天命以傳及子孫。民數穀數。則天所畀。治中所以奉天而行賞罰也。故名曰

天府。

典瑞中士二人。府一人。史二人。胥一人。徒十人。

正義鄭氏康成曰。瑞。節信也。典瑞若今符璽郎。賈氏

公彥曰。其職掌玉瑞玉器之藏。玉瑞祭時所執。玉器禮神所用。雖有餘事。以事神為主。

典命中士二人。府一人。史二人。胥一人。徒十人。

正義鄭氏康成曰。命。謂王遷秩羣臣之書。賈氏公彥

曰。其職掌諸侯之五儀。諸臣五等之命。爵命屬陽。禮記

云。古者於禘也。發爵賜服。賞以春夏。貴始。故於春見之。
鄭氏鍔曰。所掌者儀與命。而特以典命名官。視命數
之差。以定隆殺之儀。蓋無是命則無是儀也。

案古者命賜羣下。必於祖廟。故冢宰詔王以爵祿馭羣
臣。而典命司服。則列於禮官。

司服。中士二人。府二人。史一人。胥一人。徒十人。

正義賈氏公彥曰。再命以上得命。卽得服。故司服列職
於典命之下。

典祀中士二人。下士四人。府二人。史二人。胥四人。徒四十人。

守祧奄八人。女祧每廟二人。奚四人。

祧天堯反

正義鄭氏康成曰。天子七廟。三昭三穆。賈氏公彥曰。

天子七廟。通姜嫄爲八廟。廟一人。故奄八人。王氏安

石曰。守廟祧而名之曰守祧。守祧則廟可知。敖氏繼

公曰。其職云掌守先王先公之廟祧。又云其廟則有司脩除之。祧則守祧黝堊之。然則祧者廟堂以北之稱也。

存疑鄭氏康成曰遠廟曰祧。周爲文王武王廟。遷主藏

焉。賈氏公彥曰祭法遠廟爲祧。有二祧。享嘗乃止。鄭

義二祧則祖宗是也。祭法祖文王而宗武王。文武廟不

毀。當昭者藏於武王廟。當穆者藏於文王廟。遷主藏焉。

故云祧也。若文武已上父祖藏於后稷之廟。文武旣爲

二祧。后稷爲大祖廟。不可復稱祧。但稱大祖也。諸侯遷

主。總藏於大祖廟。則謂大祖廟爲祧。聘禮不腆先君之

祧。旣拚以俟矣。是也。

案守祧用奄與女奚。豈祭祀雖無女尸。而先后之朝祭服及遺器亦藏於祧與。其職掌守先王先公之廟祧。則先公亦稱祧。不獨文武二廟矣。七廟通姜嫄廟爲八。而守祧八人。則凡廟皆有祧可見矣。左傳鄭子羽對楚人云。其敢愛豐氏之祧。大夫亦稱祧。則祧之義不繫乎藏遷主又明矣。疏謂文武已上遷主藏於稷廟。文武已後遷主藏於文武廟是也。而專以文武廟爲二祧。則泥於祭法之文。而云然。與此經不合。祭法漢人所爲不足

據依當以此經爲正。疏云七廟并姜嫄爲八。蓋據詩生民篇。與大司樂享先妣之文也。稷出姜嫄。故稷以後特立廟祀之。及有天下。亦相因不改。其於都宮之外。別建一廟。而歲時享祀。亦不與七廟同日與。

世婦。每宮卿二人。下大夫四人。中士八人。女府二人。女史二人。奚十有六人。

正義

鄭氏康成曰。世婦。后宮官。

王氏詳說曰。列世婦於春官者。以所掌不止后

宮之事。并及內外宗耳。

王后六宮。

賈疏。每宮卿二人。則十二人。

春官

序官